


Heinrich Müller

**Programma Quo Rector Universitatis Rostochiensis D. Henricus Müller/ Theol.
Prof. Ordinarius ... Ad Exequias Quas ... Matronae Magdalenae Rungen ...
Matthaei Röseleri relictæ Viduæ Liberi moestissimi hodie paratas cupiunt
Omnium Ordinum Cives Academicos peramanter invitat : P.P. XXII. Febr. Anno M
DC LXIV sub sigillo Rectoratus**

Rostochi[i]: Kilius, 1664


<http://purl.uni-rostock.de/rosdok/ppn777422328>


Druck Freier  Zugang



Müller, H.,
in
Magdal. Runge,
uxor. M. Röseler.
Rost.(1664.)

18.





PROGRAMMA

^{Quo}
RECTOR
UNIVERSITATIS ROSTOCHIENSIS

D. HENRICUS

Düller /

Theol. Prof. Ordinarius, Facul-

tatis suæ hodie Decanus & ad Div.

Mariæ Pastor

AD

Exequias

Quas

Pia & honesta Matrona



MAGDALENÆ

Rungen /

Viri vñ ex ætate

MATTHÆI RÖSELERI

relictæ Viduæ

Liberi moestissimi hodie paratas cupiunt

Omnium Ordinum Cives Academicos peramanter

invitat

P. P. XXII Febr. Anno M DC LXIV

sub sigillo Rectoratus.

ROSTOCH,

Typis JOHANNIS KILL, Acad. Typogr.



Icut pomo innascitur ver-
mis, & vino immistæ sunt
fæces, ita voluptati innatus
est suus dolor, in quem de-
spumat tandem, inq; eum
velut in fæces desinit. Non
inconcinne dixere Philosphi veteres,
DEUM duplex habere dolium, fellis unum
& alterum mellis, ex quo cuiq; suum cra-
terem propinet. Hoc illud *γλυκύπικρον* s. *sparan-*
marum, de quo apud illos *sparsim* multare-
perias. Audi Comicum, qui *Ita*, inquit,
Dis placitum est: ab eodem culmine voluptas, & ei mœ-
ror comes sequitur. Pensita illa Apuleii l.ii. Flo-
ridorum: *Verbum verum est profecto, quod ajunt:*
Nihil quicquam homini tam letum divinitus datum est,
quin ei admixtum sit aliquid difficultatis; ut etiam in am-
plissima quaq; letitia subsit quæpiam vel parva querimonia
conjugatione quadam mellis & fellis: ut, si quid illud sol-
vit,

vit, hoc adstringat Recole illa Ciceronis l. II. de Orat.
Amores & delicia celeriter deflorescunt, & in omnibus re-
bus voluptatibus maximis fastidium finitimum est
Non minus eleganter Severinus Boëtius
l. III, metro 7.

*Habet omnis hoc voluptas,
Stimulis agit fruentes,
Apiumq; par volantum,
Ubi grata mella fudit,
Fugit, & nimis tenaci
Ferit icta corda morsu*

Huc quoq; facit Apologus ille Platonis in
Phædo, ubi Voluptas & dolor apud Jo-
vem se invicem accusant, & convitiis laces-
sunt supra omnem modum: ille, sed frustra,
rem omnem componere vehementer alla-
borat. Tandem secum ipso consilium ini-
ens, conciliatum iri animos tum demum
ratus est, si adamantina colligarentur cate-
na, ut, quantumcunq; odiis dissiderent,
semper tamen simul essent, seseq; mutuo se-
querentur. Si quæras, cur fellea melleis
semper sint admista? respondet Ambrosi-
us libr. I. de Cain & Abel c. 4. *DEUS delicias &*
gaudiis

gaudijs nostris ponit modum, ne supra alveum effusa rationem obruant. Concinnius Augustinus Serm. xxviii in Matth. Ideo DEUS felicitatibus terrenis amaritudines miscet, ut illa queratur felicitas, cujus dulcedo non est fallax. Omnium optime Chrysostomus Homil. in Ps. cxxiii Ideo DEUS nec homines semper dimittit in tristitijs, ne deficiant; nec in quiete & prosperitate sinit, ne fiant socordiores: sed mutationibus ac vicissitudinibus eorum salutem evariat. Nimirum nec in turbidis adversisq; rebus de fortuna secundiore desperandum omnino; nec in secundis & optatis efferendus prorsus animus, quando quidem in vita humana perpetuò tristitia lætis, ac læta tristibus succedunt, & voluptas dolore, dolor voluptate temperatur. Experta hanc fati vicissitudinem BEATA nostra, quæ misera, cum esset multorum iudicio & suo ipsius sensu, in primis ex quo ærumnosum viduitatis onus altera vice sustinuit, nunc felle in mel merum commutato, æterna fruitur beatitudine. Nata est Matrona hæc honestissima

stissima MAGDALENA Xungen in hac ad Varnum
civitate, Anno MDCI d. XXV Augusti. Patrem nata
JOHANNEM Xunge / Civem heic loci & Cerevisiari-
um, eximio candore & prudentia Virum: Matrem
HELENAM Gärtings / Daventriensem ex Geldria,
ornatissimam foeminam. Avum Paternum sortita fuit
Virum Amplissimum HENRICUM Xungen / Con-
sulem hujus civitatis bene meritum; Aviam Paternam
MAGDALENAM Gölers / foeminam vel hoc nomine
præclaram, quod LXXX annos vivendo, s. potius
paulatim moriendo, assecuta est. Avus maternus ei
fuit JOHANN von Dären / Avia materna ELISABE-
TA Schierlinges. His a parentibus unum, & quod
excurrit, annum nata cum patrem amisisset, mater
nihilominus eam non equidem cutem falso medica-
mine polluere, non genas purpurisso oculosve cerussa
pingere, non Amadis pestilentem & ad inficiendum
natum librum avide perlegere, sed JESUM agnosce-
re, agnitum amare, amato intervire ex animo docuit.
Nec quicquam in formanda & educanda rite filia curæ
renuit pia Mater, postquam ad secunda vota transi-
ens in torum venit Viri prudentissimi CASPARIS
Schwarzkopffen / Civitatis hujus Senatoris & Camera-
rii præclari, sed adhibita mariti (qui nomine Vitricus
re ipsa Patrem se exhibuit benevolum beneficumq;)
opera ut pietatis cæterarumq; virtutum virginalium
in ea promotum iret incrementum nullum non movit
lapi-

lapidem; Quo factum, ut cum annum ætatis suæ at-
tigisset vigesimum Vir Spectatissimus VALENTI-
NUS STRELENIUS, Senator Rostochiensis, illam
sibi ambiret conjugem, & exambitam haud difficul-
ter, solemnibus nuptiarum rite peractis *Anno MDC XXI*
domum duceret. Quod conjugium pacatum equi-
dem fuit & voluptatib⁹ haud unis respersum, sterile ta-
men & afflictionū quodam amarore subinde tempera-
tū. Nimirum, ne inescemur terrestrib⁹ & tædio quodā
cœlestium capiamur, crucem immittit DEUS: Hæc
JESUM dulcescere & mundum amarescere; hæc cœ-
lestia dulce sapere, & terrestria desipere facit. Feren-
dis afflictionibus haud impar erat NOSTRA DEI o-
pe adjuta & Conjugi, qui fulcri instar præstabat, inni-
xa. Ast summoto per mortem hocce fulcro, illa cor-
ruisset tota, nisi qui suorum in tentationibus quam-
maxime curam gerit accuratam DEUS, & adstitisset
ipse in viduitate ærumnosa, & elapso viduitatis anno
uno ei de novo prospexisset fulcro, quod afflictionum
oneri ferundo suppar esset. Factum enim est, ut DEO
pronubo, *Anno MDC XL I MATTHÆO Rößelern/*
conjugalem amorem addiceret, quod fœdus connu-
biale postquam solennibus nuptiis confirmatum, con-
stantissime etiam, sed itidem absque prole, non vero
exoptata tranquillitate, annis XXI cultum fuit. Quo
iterum *Anno MDC LXI d. XI Octobris* viduata ma-
rito,

rito, turturis adinstar solitariam sibi vitam elegit, & gemebunda domi, velut in oratorio, desedit, raro visa inter plures, nisi ubi DEO proximoque inserviendi data est occasio, Virtutum, quibus Paulus viduas, vere & animo tales, ornatas esse vult, studiosissima semper fuit, *speravit in DEO, perseveravit in supplicationibus & precationibus nocte ac die, in operibus bonis idoneo testimonio ornata fuit, sanctorum* (sicubi occasio oblata) *pedes lavit, afflictis subministravit, omne opus bonum assidue fuit sectata, I. Tim. V. Undecimo Februarii* è templo domum redux morbo corripilectumve premere cepit, qui cum adeo usque eam subigeret, ut sensim vires collabascere omnes (mœrore & senio non parum cooperante) persentisceret, de animæ cura, inprimis sollicita *d. XV Febr.* viatico cœlesti refici voluit, quo refeeta *XVI Febr.* inter adstantium suspiria constante mente compositoque vultu pie ac placide expiravit.

Nostrium est, CIVES ACADEMICI, Matronæ honestissimæ memoriam sacram habere, inprimis ob Generi, Viri pl. Reverendi & Amplissimi Dn. BERNHARDI GOSMANNI, Theologi Doctoris præclarissimi & quondam in hac Universitate PROFESSORIS celeberrimi, nunc Stralsfundensium PA-
STORIS fidelissimi, Viri incomparabilis, LUMINIS
olim

olim Academix, nunc Ecclesix Christi splendidissimi,
Amici & Fratris in Christo æternum mihi venerandi,
insignia in Academiam hancce merita, quorum si de-
memores simus unquam, DEUM vix habituri erimus
propitium. Quapropter vel hoc nomine, *Cives hono-*
rati, exequias Matronæ optimæ mecum ite frequen-

Moral Quot dies vitæ peragimus, quasi in itinere ad lo-
cum propositum, tot passibus propinquamus; præ-
sentem vitam quasi viam subigendo
transierimus.

Convenietur hora dimid. II. in æde
Jacobæ.



